



Ársskýrsla Byggðasafns Vestfjarða 2006.

Sjóminjasafnið í Neðstakaupstað


Safnið opnaði fyrir almenning þann 1. júní, og opið var fram til 15. september. Sumarstarfsmenn voru þær Berglind Ósk Þórólfsdóttir og Þórunn Elíasdóttir, sem einnig starfaði við safnið sumarið 2005. Þær stóllur sáu um yfirsetu í safninu í sumar og skiptu með sér safnvörslu um helgar. Einnig unnu þær að skráningu þegar dauður tími var í safninu.

Fjórir unglingar úr vinnuskólanum voru einnig við störf í safninu og voru þeir fengnir til að sinna ýmsum verkefnum, s.s. málun, snyrtingu á svæðinu og ýmsu öðru sem til féll hverju sinni.

Á lóðinni í Neðstakaupstað var byggt lokað geymsluport ca. 100 m² sem hugsað er fyrir ýmsa stóra hluti sem geyma má utandyra og er sömuleiðis liður í að halda svæðinu snyrtilegu.

Gestir Byggðasafns Vestfjarða, þ.e. þeir sem komu á safnið í Neðstakaupstað sumarið 2006, voru 7003 talsins. Var stór hluti þeirra gestir af skemmtiferðaskipum.

Fjöldi gesta sem heimsótti safnið í Neðstakaupstað




Skemmtiferðaskip

Alls komu 22 skemmtiferðaskip til Ísafjarðar sl. sumar, og nýtur Byggðasafn Vestfjarða góðs af þessum skipakomum þar sem þær hafa í för með sér aukinn fjölda gesta á safnið. Af umræddum 22 skipum voru 16 þeirra með skipulagðar rútuferðir um svæðið þar sem Byggðasafnið var einn viðkomustaða. Dagsmet var slegið í fjölda ferðamanna þegar stærsta skemmtiferðaskip sumarsins kom í byrjun september, og var það líka stærsta skip sem til Ísafjarðar hefur komið, um 77.000 tonn. Rúmlega 600 manns komu í safnið þann dag. Eins og sjá má af súluritinu hér fyrir neðan er tæplega helmingur gesta safnsins farþegar af skemmtiferðaskipunum sem fara í skipulagðar rútuferðir. Inn í þessa tölu vantar lausatrafíkinna af skipunum, og er sú tala inni í „Aðrir erlendir gestir.“

Leikfélagið Morrinn var yfirleitt á svæðinu þegar skip voru, og voru krakkarnir með ýmis atriði, söng, dans, breiddu út saltfisk, og spjölluðu við gesti. Vesturferðir voru oftast með léttar veitingar inni í safninu, og sáu Morrar um að framreiða þær.

Skipting gesta sem koma á safnið í Neðstakaupstað.



Minjagripir

Frá Bros hf. voru pantaðir bolir, innkaupatöskur, svuntur og staup með áprentuðu merki safnsins auk þess sem á fatnaðinn voru prentaðir stuttir málshættir sem eiga sér skírskotun til sjómennsku. Sala á þessum varningi gekk fremur dræmt og þarf að finna eitthvað sem freistar ferðamanna meira en þessir minjagripir, eitthvað ódýrt og fyrirferðarlítið, en vandað og einkennandi fyrir staðinn. Það sem líka hamlar sölu á minjagripum er aðstöðuleysi inni í Turnhúsinu, og þarf að athuga hvernig hægt er að koma varningnum haganlegar fyrir, þannig að fólk hafi betra aðgengi að honum.

Saltfiskur

Að venju var verkaður saltfiskur á reit safnsins í Neðstakaupstað og að þessu sinni voru verkuð um 700 kg af fiski og gekk þurrkunin að óskum. Sala á fiskinum gekk nokkuð vel og var hann hafður til sölu í safninu í neytendavænum umbúðum (lofttæmdum) og seldust beint til safngesta um 110 kg af fiski. Naut safnið góðvildar H.V. Umboðsverslunar að því leyti að þar hafði safnið aðgang að lofttæmingarvél eftir þörfum endurgjaldslaust. Talsvert magn af saltfiski var selt í Samkaup, eða um 100 kg, og 150 kg voru seld til Reykjavíkur. Í desember var allnokkuð framleitt af gjafaöskjum með saltfiski og uppskriftabók, eða alls um 40 öskjur, og eru þær orðnar vinsælar til jólagjafa innanlands sem erlendis.

Saltfiskveisla safnsins var haldin 2 júlí í Tjöruhúsinu og var húsfullir þar sem endranær. Tjald var fengið svo stækka mætti salinn út til að fleiri kæmust fyrir og voru um 130 manns í veislunni. Sex gestakokkar voru fengnir til að elda hina ýmsu saltfiskrétti og var fjölbreytt úrval rétta í boði.

Bátar safnsins

Gestur

Gestur var sjósettur um miðjan júní, áður var hann botnmálaður til að varna því að gróður settist á hann líkt og gerðist í fyrra. Um haustið var smíðaður vagn undir bátinn og sá Jakob í Hörgshlíð um það. Auðveldar vagninn mjög allar tilfærslur á bátnum. Geymslupláss fékkst fyrir *Gest* inni í flugskýli og má telja það gott pláss, og verður reynt að halda því til frambúðar. Einnig fékkst þar geymslupláss fyrir báta Þjóðminjasafnsins, *Ögra*, sem hingað til hefur verið í geymslu inni á refabúi, og *Þór*, sem Ragnar Jakobsson er nýbúinn að smíða upp.

Ekki var mikil eftirspurn eftir ferðum með *Gesti* í sumar og líklegasta skýringin sú að ekki var mikið auglýst að slíkar siglingar væru í boði. Næsta sumar mætti taka það fastari tökum að gera út á siglingar með fólk um Pollinn, og má telja víst að farþegar skemmtiferðaskipa sem ekki eru í skipulögðum ferðum myndu vilja nýta sér þær. Þeir fáu sem siglt var með, lýstu yfir mikilli ánægju með ferðina, sem er 30 mínútna sigling um Pollinn.

Mjög gott legupláss fékkst fyrir *Gest* við flotbryggjuna sem sett var niður við Edinborg, og oft sást fólk staldra við, taka myndir og skoða bátinn.



Skrifað var bréf til tryggingafélagsins Sjóvá þess efnis hvort tryggingafélagið vildi taka að sér að tryggja bátinn núlltryggingu, fyrir 10 milljónir króna allt árið, auk áhafnar og farþegatryggingar að sumri, gegn því að félagið mætti nýta sér *Gest* í kynningarefni og auglýsingar félagsins. Svar barst frá þeim og treystu þeir sér ekki til að framkvæma málið þannig sökum fordæmisgildis, en voru hins vegar tilbúnir að gefa út tryggingaskírteini þar sem iðgjaldið væri síðan afskrifað um áramót og má telja það ígildi styrks. Rætt var um að tryggja bátinn fyrir 10 milljónir króna, en tryggingarfélagið vildi ekki blanda farþega- og áhafnartryggingu saman við bátatrygginguna þannig að safnið mun sem fyrr bera kostnað af henni.

María Júlía

Stjórnir safnanna sem aðild eiga að Áhugafélagi um *Maríu Júlíu*, þ.e. Minjasafn Egils Ólafssonar á Hnjóti og Byggðasafns Vestfjarða, ákváðu sameiginlega að skipa sjö manna uppbyggingarnefnd sem falið var að sjá um fjármögnun og framkvæmdir við endurbætur á björgunarskútunni *Maríu Júlíu*. Er nefndin skipuð sýslumönnum á Vestfjörðum og fulltrúum frá Landsbjörgu. Stefnir nefndin að því að endurbótum á *Maríu Júlíu* verði lokið fyrir sjómannadag 2008.

Síðastliðið ár var hafinn undirbúningur að viðgerð á *Maríu Júlíu*. Búið er að rífa af henni allt járnverk sem sett hefur verið á skipið eftir að hætt var að nota það sem varðskip, s.s. hvalbak, möstur, aukadekk, beituklefa o.fl.

Í haust var fyrirhugað að sigla skipinu til Stykkishólms þar sem vilyrði var fyrir slippplássi en alltaf var eit hvað sem hamlaði för; veður, bilanir eða skortur á mannskap til að sigla skipinu. Skv. áætlun var gert ráð fyrir að skipinu yrði siglt til Bolungarvíkur þegar það kæmi úr slipp og þar yrði unnið að viðgerðum. Um áramótin átti það að vera komið í höfn á Ísafirði þar sem þeim yrði fram haldið. Staða mála í árslok 2006 var hins vegar þannig að *María Júlía* var enn í höfn á Patreksfirði og enn óvíst hvenær henni verður siglt til Stykkishólms.

Sædís

Viðgerð á *Sædís* var fram haldið og sem fyrr var það Magnús Alfredsson sem vann að henni. Lokið var við að sauma upp byrðing bátsins og bæta hann, og setja á hann ísvörn. Einnig var unnið í lúkar við viðgerðir og skröpun. Meðan á þessum viðgerðum stóð var *Sædís* uppi í gamla slippnum í Neðstakaupstað. Búið er að smíða möstur og aðeins er eftir að setja þau upp.

Á árinu tókst loks að finna vél sem hentar í bátinn. Það er 35 hestafla June Munktell glóðarhausvél sem fannst í geymslum Þjóðminjasafnsins í Vesturvör. Unnið hefur verið að því að fá vélina vestur og koma henni til viðgerðar hjá Mjölismönnum í Bolungarvík, því ljóst er að hún þarfnast nokkurrar viðgerðar.

Skráning muna

Hafin var skráning og ljósmyndun á safngripum í gagnagrunninn SARP sem safnið gerðist aðili að á árinu. Hillur eru komnar upp í helmingi geymslurýmis á neðri hæð, en stærri gripir eru í hinum helmingnum á brettum eða á gólfi. Töluvert af smærri gripum hefur verið fluttur af sundhallaarloftinu til skráningar, s.s. rúmjalir, kistlar og ýmsir smærri hlutir sem eru þá skráðir inn um leið og frá þeim er gengið í nýju geymslunni. Reynslan af SARPI sýnir að hann er frekar þunglamalegur í vinnslu en venst með tímanum.

Útvegs- og vinnuveitendafélag Vestfjarða færði safninu að gjöf fartölvu, prentara og skanna sem nýtist vel til skráningar safnmuna.

Til fróðleiks má segja frá því hvernig skráningarferill grips er á BSV:

Eftir að gripurinn er kominn niður í nýju geymslu er honum flett upp í gömlu aðfangaskránni, sem er aðgengileg í File Maker og svo einnig í gömlu aðfangabókinni. Þaðan eru teknar allar upplýsingar sem fyrir liggja um hlutinn. Að því loknu er farið inn í Excelskrá þar sem allir hlutir sem skráðir eru inn í Sarp eru forskráðir, þ.e. þetta er eiginlega tvöföld skráning. Þar er gripnum gefið nýtt númer svokallað B-númer, þar sem fyrstu 4 stafirnir eru komuár gripsins, en gamla númerið, svokallað A-númer, er líka látið fylgja gripnum. B- númerið er skrifað á merkispjald (með blýanti) og hengt á gripinn. Í þessa Excel skrá eru skráð nokkur grunnatriði um gripinn. Að því loknu er farið inn í Sarp og opnað nýskráningarblað, þar er allt skráð sem hlutnum viðkemur og

vitað er um hann, sem og geymslustaður, hillunúmer, kassanúmer o.fl.. Þegar þeirri skráningu er lokið, þarf að merkja hlutinn sjálfan, ef merkisþjaldið skyldi glatast. Undirlagið þar sem skrifa skal er lakkað, sá flötur er ca. 2 cm x 0,5 cm. Þegar lakkið er orðið þurrt er númer gripsins skrifað með teiknibleki á flötinn og látið þorna, reynt er að hafa þetta sem allra minnst áberandi, helst á botni, eða á öðrum lífi áberandi stað. Þegar það er orðið þurrt er svo lakkað yfir aftur, og látið þorna. Að því loknu er hluturinn ljósmyndaður, teknar 2-3 myndir. Síðan er gengið frá hlutnum á viðeigandi hátt, ef hann er lítill er hann vafinn í silkipappír og settur í kassa sem gefið er númer, jafnvel eru fleiri hlutir í sama kassanum, eða hann er settur beint upp í hillu.

Fjárlaganefnd

Fyrir árið 2006 var að venju sótt um styrki til Fjárlaganefndar Alþingis og að þessu sinni í fjögur verkefni: Til áframhaldandi framkvæmda við nýtt safnhús, áframhaldandi endurbóta á *Sæðísi*, til viðgerða á bátnum *Jóhönnu* (nýtt verkefni), og svo fyrir hönd Áhugafélags um Maríu Júlíu til áframhaldandi viðgerðar. Í þessi verkefni var úthlutað eftirfarandi styrkjum:

Til viðgerða á Sæðísi og Jóhönnu	7 milljónir
Til Maríu Júlíu	3 milljónir
Til Safnhúss í Neðstakaupstað	6 milljónir

Má þetta teljast vel viðunandi þó vissulega hefði meira fjármagn mátt koma til nýbyggingarinnar í Neðstakaupstað og er ljóst að varla verður hægt að hefja framkvæmdir við seinni áfanga byggingarinnar á þessu ári. Þetta fjármagn, auk 10 milljóna króna framlags frá Ísafjarðarbæ fyrir árið 2006, dugir skammt þar sem gert er ráð fyrir að kostnaður við þennan seinni áfanga, þ.e. að gera þann hluta fokheldan, verði um 40-45 milljónir króna.

Annað

Samín var ný safnastefna fyrir Byggðasafnið og var hún samþykkt í stjórninni. Þá var breytt eignarhaldi á nýbyggingu safnsins í Neðstakaupstað. Í stað þess að Byggðasafnið eigi húsið, ákveðið að Ísafjarðarbær tæki yfir húsið og Byggðasafnið væri leigutaki að því enda talið að það fyrirkomulag hentaði báðum aðilum betur.

Jón Sigurpálsson og Björn Baldursson fóru á fimm daga ráðstefnu í Finnlandi sem haldin var á vegum NORCE-verkefnisins og Byggðasafn Vestfjarða er þátttakandi í ásamt Byggðasafninu á Hnjóti og Byggðasafni Húnvetninga og Strandamanna. Í september var haldinn farskóli safnamanna á Egilsstöðum og fóru Jón og Björn þangað.

Á Þorláksmessu gerði mikið óveður með tilheyrandi sjógangi. Stórstreymt var og sjávarhæð mikil. Mikið flæddi á Eyrinni og meðal annars var Neðstikaupstaður umflotinn sjó. Flæddi nokkuð inn í Turnhúsið, inn á mitt gólf, en ekki varð tjón af þar eð ekkert af viðkvæmum gripum var geymt á gólfi safnsins. Þegar féll út rann sjórinn út sömu leið og hann kom inn, og aðeins þurfti að hreinsa upp lítilsháttar óhreinindi sem fylgdu þessum sjógangi.

Safnauki

Að venju bárust safninu margir gripir á árinu og ber að þakka fyrir það að fólk skuli hafa safnið í huga áður en það fargar hlutum frá sér. Fylgir skýrsla um safnauka hér með í samantekt. Alls er fjöldi gripa sem safninu barst á árinu um 300 talsins. Viðamesta gjöfin sem safninu barst á árinu, eru skólainnréttingar úr gamla

barnaskólanum á Ísafirði; hillur, stólar, borð, skápar og ýmis skólagögn. Ljóst er að grisja þarf töluvert því að þetta eru mjög plássfrekir gripir.

Stjórn safnsins

Stjórn Byggðasafns Vestfjarða var þannig skipuð á árinu 2006 að formaður var Guðfinna M. Hreiðarsdóttir, ritari Dagbjört Hjaltadóttir og meðstjórnandi Magnús Ólafsson. Eftir sveitarstjórnarkostningarnar í maí 2006 vék Magnús Ólafsson úr stjórn og í stað hans kom Finnbogi Bernóðsson sem fulltrúi Bolungarvíkurkaupstaðar. Haldnir voru sjö stjórnarfundir á árinu og var farið vítt og breitt um nágrennið. Haldnir voru fundir í Bolungarvík, Súðavík, á Patreksfirði þar sem María Júlía var formlega afhent eiendum sínum, Byggðasafni Vestfjarða og Minjasafni Egils Ólafssonar á Hnjóti, á Flateyri í tengslum við samvinnu Minjasjóðs Önundarfjarðar og Byggðasafns Vestfjarða varðandi bókabúð Bræðranna Eyjólfsson, og á Ingjaldssandi varðandi hugsanlegt samstarf við búvélasafn Jóns Guðna Guðmundssonar.

Gjafir til Byggðasafns Vestfjarða árið 2006

30.janúar Sveinbjörn í Aðlöðun gaf safninu ýmsa muni t.d. **vog** úr fiskbúð Norðurtangans, **stimpla** og **stimpilblek**, **kallkerfi**, **derhúfur** merktar Norðurtanganum, **álstafi**, til merkingar á skipum (Guðbjartur Kristján), gamlan **rafmagnsofn**, ýmis **lóð**, **stóla** úr gamla barnaskólanum sem gegndu sérstöku hlutverki, og **skjalageymslukassa** úr járn.

1.febrúar HG c.o Einar Valur Kristjánsson 090157-5669, gaf ýmis siglingatæki, s.s. **dýptarmæla**, **miðunarstöðvar**, **ljóskastara** o.fl.

10.febrúar Magni Guðmundsson 300644-2289, gaf safninu gamlan amerískan ísskáp, **utanborðsmótor** og **eldsneytisgeymi**.

20 febrúar Óskar Eggertsson 240834-4809, gaf gamla **ljósritunarvél**, sem Norðurtanginn hf. keypti á sínum tíma.

20 mars Karl Aspelund gaf safninu 2 kassa af endurhlaðanlegum tómum **koparpatrónum** nr. 16 af gerðinni Eley. Patrónurnar eru í tveimur kössum 25 í hvorum. Patrónurnar eru lítið sem ekkert notaðar. Dálítill spanskræna er á patrónunum.

31 mars Þórður Júlíusson 040818-4729, gaf safninu **rúmfjöl**. Fjölin er límd saman úr þremur fjöllum. Fjölinar skar Geirmundur Guðmundsson á Atlastöðum 1918 fyrir foreldra Þórðar, Júlíus Geirmundsson og Guðrúnu Jónsdóttur.
Gefendur Börn og barnabörn Júlíusar Geirmundssonar.

Grafið á fjölinar að aftan: JG & GJD
Njót vel
Árið 1918

15 apríl Sótt **prentvél** gömul sem safnið átti upp í prentsmiðju BB í Sólögötu.

20 apríl Auður Jóhannsdóttir 090568-5829, gaf rafdrifinn **rennibekk** sem var í eigu **Walter Knauf** blikksmiðs á Ísafirði, og er rennibekkurinn smíðaður af honum sjálfum.

15 maí Arndís Baldursdóttir gaf safninu **háflíkan** af bát eftir Ólaf Magússon skipasmið, **taurullu**, **tauburrkunargrind** úr tré, **film** til að breyta svarthvítu sjónvarpi í lit, **sígarettupakka** af tegundinni ROY með nokkrum sígarettum í, og **vatnshitunarjárn**.

3 júní Magnús Ó. Hansson gaf eftirtalda muni:
Prímus, hann er úr fyrsta neyðarskýlinu (sem reyndar var geymsluhúsnaði

fyrir Hornstrendinga) sem var innst í Hrafnfjarðarbotni. Þetta hús f auk árið eftir að prímusinn var fjarlægður úr því og var þá annað neyðarskýli komið í þess stað.

Axarhaus sem fannst þegar tekinn var grunnur fyrir bílskúr að Hafnargötu 110 en húsið byggði afi Magnúsar, Magnús Kristjánsson árið 1943.

Mastursbaula sem kom sömuleiðis upp er tekinn var grunnur að bílskúrnum á sama stað.

15 júní **Albert Óskarsson 030760-3529**, afhenti f.h. **Vegagerðarinnar** gamlan stóran **keðjupúllara** í góðu standi.

28 júní **Nína Guðleifsdóttir 111044-3259**, afhenti safninu **serviettuhringi** og **silfurmyndaramma** úr eigu Guðrúnar og Carls Ryden á Þingeyri. Einnig **hálsmen úr mannhári** sem var í eigu Ingibjargar ... á Þingeyri gert úr hennar hári og í því er nisti með mynd af syni hennar sem druknaði 24 ára gamall og lokkur úr hári hans sem var tekinn eftir að hann lést. Einnig **peysuföt**, þ.e. **jakki og pils** úr eigu sömu konu.

27 júní **Vilberg Vilbergsson 260530-2249**, afhenti **rennibekk** smíðaðan af föður hans á Flateyri. Var síðast í eigu Braga Halldórssonar.

29 júní **Kristján S. Ólafsson** og frændsystkini gáfu **kistil** frá Kaldá í Önundarfirði sem var í eigu Betúels Betúelssonar bónda og kaupmanns í Höfn í Hornvík. Einnig **orgel** sem William Gook trúboði flutti með sér til landsins, og var í eigu Ólafs Betúelssonar, f. 23.11. 1911. Orgelið er talið vera frá því um aldamótin 1900. Ólafur flutti til Reykjavíkur 1942 og tók þá orgelið með.

16 júlí **Jón Hólmsteinn Júlíusson, 030126-3789**, Skólagerði 38, Kópavogi, afhenti safninu 2 **bátaskrúfur**, önnur 2 blaða skiptiskrúfa og hin 3 blaða föst skrúfa, **kósajárn**, 2 **netanálar** misstórar úr kopar, **sigurnagla** úr kopar, 3 **kalföttunarjárn** misbreið, og **bók**, *Praktisk Somandskab* síðan 1916, 3 útg.

21 júlí **Garðar Guðmundsson 260124-3159**, gaf safninu ýmis tæki og tól úr Björnsbúð, 4 **búðarkassa**, 3 **reiknivélar**, **buffvél**, **kaffikvörn**, **áleggshníf**, **verðmerkingarvél**, 4 **vogir**, **kreditkortaprykkivélar**, **lóð** og ýmis **smááhöld**. Einnig **ljósmynd** í ramma sem gerð var í tilefni 80 ára afmælis Björnsbúðar.

21 júlí **Jakob Falur Garðarsson 060666-4319**, gaf safninu Sinclair Spectrum **tölvu** frá árinu 1980.

25.júlí **Össur Torfason 171239-5599**, gaf safninu tvenn ný **aktygi**, smíðuð af Torfa Össurarsyni á Felli í Dýrafirði um eða fyrir 1948. Einnig 3 **ljósmyndir**, 2 af hesti með aktygi og rakstrarvél og 1 af foreldrum sínum þeim Torfa Össurarsyni og Helgu Sigurrós Jónsdóttur.

30.júlí **Guðbjörg Jakobsdóttir 221145-2599**, gaf **snaga** með fjórum hönkum. Eftirfarandi texti fylði með frá Guðbjörgu Jakobsdóttur, gefanda:

„Snaginn er sennilega kominn frá heimili Þórðar Guðmundssonar og Guðbjargar Torfadóttur, sem áttu heima á Hrannargötu 10, en þau voru fósturforeldrar föður míns Jakobs Jakobssonar, fæddur 2. september 1924, látinn 8. október 1962. En eftir að Guðbjörg lést þá flutti Þórður suður og bjó hjá systur sinni Jónu

Guðmundsdóttur, hjúkrunarkonu, fædd 29. desember 1891, sem byggði húsið að Kópavogsbraut 11, Kópavogi, með foreldrum mínun.“

14.ágúst Eyvindur P. Eiríksson rithöfundur, 131235-4379, gaf safninu þrjá hluti, **björgunarhring** úr gamla Fagranesinu sem brann, fannst í fjörunni út á Arnarnesi, **nafnskilti** af stýrishúsi (Auðbjörn), og heimasmiðaður **bjarghattur/hjálmur**, sem pabbi Eyvindar og bræður smíðuðu, og var notaður við bjargsig/eggjatínslu.

17.ágúst Skarphéðinn Jónsson, skólastjóri, 140459-4029, (Grunnskóli Ísafjarðar) gaf safninu ýmis skólagögn úr gamla barnaskólahúsinu á Ísafirði, **borð** gömul og svo nýrri **borð, stóla, hillur, skápa, fatahengi**, og **glæruprentara**. Auk þess gömul **upprúlluð kort** af ýmsum toga, og **harðspjalda kort**, til kennslu í líffræði, náttúrufræði, biblíusögum o.fl. með upphengi.

25.ágúst Safnvörður fór inn í Ögur þar sem var verið að hreinsa út úr kjallaranum í gamla Ögurhúsinu. Þar var tekinn gamall **moðsuðupottur**, en moðsuða var notuð víða allt fram á tuttugustu öld, til að spara eldsneyti. (*Potturinn var settur ofan í kassa og svo var einangrað á milli með moði. Þegar suða var komin upp yfir eldinum var potturinn settur í moðsuðuna og ef einangrun var góð gat kraumað lengi í pottinum þar.*) Þar var einnig tekin gömul **rafmagnstafla úr marmara** sem sett var upp þegar Öguráin var virkjuð um 1930. Einnig gömul **innihurð með fulningum** eins og þær voru upprunalega í Ögurhúsinu sem var byggt um 1884 af Jakobi Rósinkarssyni óðalsbónda í Ögri.

7.september Magnús Ó Hanson 211056-2769 gaf safninu gamla **reiknivél** sem var notuð á hreppsskrifstofunni á Hólmavík af Friðjóni Sigurðssyni, og föður Magnúsar Hans Magnússyni, sem var hreppstjóri á Hólmavík allt til 1950 + - . Vélín var notuð fram til 1960. Hún er af gerðinni Remington, svört á lit og með hlífðardúk sem er rifinn. Einnig gaf Magnús **kosningakassa** (32x18x20 L-B-H) viðarlitaðan með tveimur hólfum, merktum JÁ og NEI, og stóru gati framan á kassanum þar sem farið var inn með hendi og seðill eða kúla sett í viðeigandi hólf. Skúffa er í kassanum sem var dregin fram að lokinni kosningu og talið uppúr.

15.september Hamraborgarbræður **Gísli og Úlfur Úlfarssynir 031074-5419**, gáfu **stóra trésmíðavél** af gerðinni TBT. Hún var í eigu Kristins L. Jónssonar líkkistusmiðs á Ísafirði. Hún er reimdrifin með einum höfuðmótor og er sambyggð sög, hefill og fræsari. Einnig fylgdu með **samsetningarlásar** á reimarnar. Einnig gáfu þeir **Sanitas ölkassa** úr timbri og **4 flöskur sem sem safninu voru faldar til varðveislu þar til kallað verður eftir þeim**, 1 ómerkt, 1 með ólæsilegum miða, 1 undan hindberjalímonaði frá Leonh Tang, 1 undan bjór með Swastika krossi á, og engar líkur eru á að flaskan tengist nasistum á nokkurn hátt. Líka 2 **strigapjöttur** sem á stendur :

G S

ISAFIRDI

1” SISAL ROPE

TARRED LEFT

18.september Póllinn, Óskar Eggertsson 240834-4809, gaf sennilega fyrstu **bókhaldstölvuna** sem kom á Vestfirði um 1977 af gerðinni Radio Shack TRS - 80. Hún samanstendur af **skjá og lyklaborði** og svo voru tengd við hana **drif**, sem fylgja með í kassa ásamt ýmsum fylgibúnaði, **leiðarvísunum o.fl.**

18.september. **Skjalasafnið á Ísafirði** afhenti ýmsa **stimpla** úr fórum sýslumannsembættisins, peningakassa, **lykla, trékassa** með lítilli **koparkönnu, bíld, og glerglösum** (heitir **koppsetningarstokkur** og var notaður til blóðtöku).

18 september. **Skjalasafnið á Ísafirði** afhenti ýmsa **stimpla** frá Kaupfélagi Dýrfirðinga, **kjötstimpla** o.fl.

2 október **Guðbjörn Charlesson 030738-4549**, afhenti safninu **sveðju eða flensara** sem fannst við jarðvinnu á Skipanesi. Hann er milli enda 96 cm, en lengd blaðsins sjálfs er 26 cm. Blaðinu er stungið í tréskaft og herpt utanum með járnhólki. Skaftið er 6 cm í ummál. Blaðið og hólkurinn er mjög ryðgað.

3 október **Pórdís Þorleifsdóttir** afhenti safninu eftirtalda muni: 1 par af **gúmmískóhlífum** fyrir háhælaða skó, Carmen **rúllusett** í umbúðum, poka með hárspennum, **leikfangaeldavél** úr blikki, **merki** úr leigubíl "LAUS", 3 **jólaseriur** til að hafa á jólatré, eru í umbúðum, sex 78 sn **hljómplötur, fiskiskæri**, 7 tómar **gosflöskur** (2 pepsi cola, 1 pepsi cola minni, 2 spur cola, 1 mix og 1 sinalco.), 1 **fánastöng** úr kopar 45 cm, vantar stallinn undir hana, 1 **fjöltengi** f. 3, ójarðtengt. *Verður geymt á háalofti í safnahúsi v. notkunar við jólasýningar.*

12 október. **Arnþrúður Aspelund 040262-5719**, gaf safninu **útstillingarkassa** frá úrsmíðaverkstæði Þórðar Jóhannsonar úrsmíðameistara, Hafnarstræti, sem starfaði til loka árs 1988. Eikarkassi, með hallandi framhlið sem er gler í, l-b-h =50x47x28. Kassinn er opinn að aftan svo að sé hægt að koma fyrir gripum inni í honum. Vantar lokið aftan á kassann.

17.nóvember. **Hrafn Norðdahl** gaf safninu 1 **pakka af piparmintum** í opalpakkastærð. Pakkinn er sérmerktur útgerðarfyrirtækinu Básafelli sem var á Ísafirði um 1990-1995. Pakkinn er óátekinn. Á framhlið hans er skrifað: **Básafell hf. + lógó Básafells.** Á hliðar og botn er skrifað: **Básafell hf. Ísafirði.** Á lok er skrifað: **Básafell hf. Sundstræti 36 – Ísafirði, Sími: 450 4000.**

28 nóvember. Halldór Páll Eydal gaf safninu **sveinsstykki** sín í **málarameistaraiðn og trésmíðameistaraiðn**, auk ýmissa **æfingastykkja** og **teikninga**, alls 17 gripir sem tengjast málaraiðn og 6 gripir sem tengjast trésmíðaiðn. Málaragripirnir eru síðan 1997 og trésmíðagripirnir síðan 2006.